

124^a eða í mesta lagi á 15 árum, og að hinum árlegu afborgunum ber að verja til að kaupa 7. nóv. fyrir konungleg ríkisskuldabréf handa viðlagasjóðnum.

125 Bréf landshöfðingja til beggja amtmanna um útvegum á húsum fyrir sótt-
1. des varnarhús. — Í fjárlögunum fyrir 1886 og 1887 11. gr. 3. f. er veitt allt að 500 kr. upphæð á ári, sem borgun fyrir að eiga aðgang að húsum fyrir sóttvarnarhús á þeim sex kaптúnum, sem nefnd eru í 1. gr. í lögum 17. desbr. 1875, um mótvarnir gegn því, að bólusótt og hin austurlenzka kólerusótt og aðrar næmar sóttir flytjist til Íslands, nefnilega í Reykjavík, á Vestmannaeyjum, í Stykkishólmi, á Ísafirði, á Akureyri og á Eskifirði. Var svo til ætlast, þá er rætt var um fjárveitingu þessa á alþingi, að útvega skyldi, á þenna hátt, sóttvarnarhús í þeim sex kaupstöðum, sem nú voru nefndir, og álitid, að takast mundi, að ná þeim samningum við einhverja menn á þessum stöðum, að þeir skuldbindi sig til, að ljá hús sín til sóttvarnarhúsa, hvenær sem þess kynni þurfa við, gegn árlegu gjaldi 50—100 kr. árlega, en þeir, sem samið væri við, ættu að fá borgunina, hvort sem til þess kæmi, að hús þeirra væru notuð fyrir sóttvarnarhús, eða ekki.

Með tilliti til þessa skal jeg þjónustusamlega skora á yður, herra amtmaður, að leitast við með aðstoð lögreglustjóranna að ná samningum við einhverja húseigendur — til suður- og vesturamtsins: í Reykjavík, á Vestmannaeyjum, í Stykkishólmi og á Ísafirði — til norður- og austuramtsins: á Akureyri og Eskifirði — um að ljá hús sín til afnota sem sóttvarnarhús, ef til þess skyldi koma, á næsta fjárhagstímabili, fyrir umsamda borgun fyrir hvort árið, og gæti borgunin fyrir fyrra árið orðið greidd þeim, þegar samningurinn, er ætti að gjörast að áskildu samþykki landshöfðingja, væri fullgjörður, og fyrir síðara ár fjárhagstímabilsins, í byrjun þess árs. En þarð þessi borgun, sem hlutadeigendur, eins og áður er sagt, ættu að fá hvort sem hús þeirra væru notuð eða ekki, verður að takmarkast við hina veittu fjárupphæð í fjárlögunum, og þessvegna að líkindum yrði ónóg til þess einnig að vera leiga fyrir húsin ef til þess kæmi, að þau þyrftu að notast fyrir sóttvarnarhús, má ennfremur, ef þess gjörist þörf, semja um ákveðna húsaleigu fyrir hvern mánuð, meðan húsin yrðu notuð í þarfir hins opinbera ef til þess kæmi að á þeim þyrfti að halda, en sú borgun yrði þá greidd úr landssjóði upp á væntanlega fjárákavæitingu.

STYRKUR ÚR LANDSSJÓÐI.

Samkvæmt fjárlögunum fyrir 1884 og 1885.

10. gr. C. 4.

Samþykktar tillögur sýslunefndarinnar í Vestur-Skaptafellssýslu um að verja 95 kr. (sbr. Stjtsð. þ. á. B. 17 og B. bls. 128) til að styrkja ábúendurn á jörðunni Undirhrauni til að halda áfram tilraunum þeirra til að græða upp sand með vatnsveitingum.

EMBÆTTASKIPANIR.

1. desbr. skipaði landshöfðingi prest að Tjörn í Svarfaðardal, sjera Kristján Eldjárn Þórarinnsson, prest í Mýrdalsþinga prestakalli í Vesturskaptafells prófastsdæmi frá næstkomandi fardögum.
5. s. m. skipaði biskup sóknarprest í Reykolti, settan prófast sjera Guðmund Helgason virkilegan prófast í Borgarfjarðar prófastsdæmi, og sóknarprest að Svalbarði, settan prófast sjera Guðorm Vigfússon virkilegan prófast í Norðurlingeyjar prófastsdæmi.

SÝSLANIR VIÐ LANDSBANKANN.

27. nóvbr. var skrifari Sighvatur Bjarnason skipaður bókarí og cand. theol. Halldór Jónsson skipaður fjehirðir við banka þann, er samkvæmt lögum 18. septbr. 1885 á að stofna í Reykjavík með launum eptir 25. gr. laganna frá þeim tíma er bankinn tekur til starfa.

ÓVEITT PRESTAKÖLL.

Ólafsvellir í Árness prófastsdæmi (Ólafsvalla- og Skálholts sóknir). 242 kr. landssjóðslán hvílir á prestakallinu, sem affborgast með 22 kr. á ári auk vaxta. Metið 905 kr. 44 a. Auglýst 14. apr. 1885.
Tjörn í Svarfaðardal í Eyjafjarðar prófastsdæmi (Tjarnar, Upsa og Urða sóknir). Metið 1214 kr. 15 a. Auglýst 2. des. 1885.